

\* **Troti** (ntr) (pp kvarpieduloj). Aparta maniero kuri kun rapideco meza inter paŝado k galopo. Kp AMBLO.

\* **Trotuaro**. 1 Irejo, ordinare tegita per ŝtonplatoj aŭ bitumo, rezervata por piedirantoj ambaŭflanke de strato aŭ ŝoseo. 2 Fervoja alirejo, kajo.

\* **Trovi** (tr). 1 Per serĉado (aŭ per okazo) renkonti ion, iun : *mi ne povas ~i mian ŝlosilon*; *vi ~os la libron sur la tablo*; *eĉ unu polveron vi ne ~os sur tia vesto Z*; *~i riĝejon ĉe amiko*; *~i fonton, trezoron, novan procedon, solvon de problemo*; *feliĉa estas la homo, kiu ~is saĝon k akiris prudenton Z*; *mi ne povis ~i momenton por respondi vian leteron*; *unu el la plej belaj knabinoj, kiujn oni povis ~i Z*; *~i amikon ĉe klubo*; *~inte neniun, kiu volus ŝin akcepti, ŝi baldaŭ mortis en la arbaro Z*; *mi ~is lin dormanta(n)*; *mi ~is la domon forlasita*; *tiu sistemo ~is (akiris) multe da adeptoj Z*. Kp TRAFI, ELTROVI. 2 Sperti ian okazon, travivi ian senton, impreson; trafi 3 : *~i la morton en akcidento*; *~i plezuron en la malodoro Z*; *~i enuon en io*; *~i dankon Z*, *favoron k bonan opinion ĉe iu Z*; *~i bonan akcepton, atenton, aprobon, simpatian, helpon, kontraŭstaron*. Kp RICEVI, SUFERI 5. 3 Opiniu ion aŭ iun tia : *~i la frukton bongusta B*; *mi ~as la ideon gusta Z*; *li ~is ŝin bela*; *mi ~as superflue tie ĉi paroli detale pri tio Z*; *mi ~is necesa doni la sekvantajn klarigojn Z*; *oni ~as ebla kion oni deziras Z*. ~iĝi, sin ~i. 1 Esti ~ata, renkontiĝi, ekzisti en iu loko : *la libro ~iĝas (aŭ sin ~as) sur la tablo*; *tiu floro ~iĝas nur en Atopj*; *trans la rivero sin ~is aliaj hirundoj Z*; *en la kaldrono sin ~as bolanta akvo Z*; *la fenestro sin ~is apud la pordo Z*; *en tiu lando sin ne ~as montoj Z* (Kp ESTI, KUŜI, SIDI, STARI). 2 Igi en iu stato : *sin ~i tute sola*; *ĉe l' veno de malvarmo cikado ~iĝis senproviŝa*; *lia espero ~iĝis trompita*. ~o. Ago ~i : *tiu elekto ne estis simpla ne~o de la bono, sed intencita faro Z*. ~(it)aĵo. Io ~ita. El~i (tr). ~i ion nekonatan aŭ novan : *el~i novan planedon, novan melodion*; *la lastaj el~oj de la scienco*; *li el~is nur la jam el~itan Amerikan Z* (ion jam de ĉiuj konatan). (Kp MALKOVRI, ELPENSI, INV-ENTI.) Re~i (tr). ~i ion perditan, ne

plu havatan : *re~i perditan braceleton*; *re~i la sanon B*, *la trankvilon, la spiron*; *la perditan tempon oni ne povas re~i*. Bon~o Z. Laŭplaĉa gusto aŭ decido, arbitra opinio : *agu laŭ via bon~o*.

\* **Truo**. 1 Malplenaĵo, kavo en io : *naz~o*; *bulon~o*; *~o en la tero, en muro, en vesto*; *bori ~on en tabulo*; *~o de kudrilo*; *rigardi tra la serur~o*; *plenigi ~on B*; *ŝtopi, fliki ~on*; *la flikaĵo estas pli malbela ol la ~o*; (f) *havi ~on en la manplato Z* (esti tute malŝparema). Kp APERTURO, MALFERMAĴO, KAVO, KAVERNO, PORO, BREĈO, FENDO, LUKO. 2 (f) Manko en io : *nur en unu punkto ilia informiteco havas ~on*; *~on de l' honoro flikos neniu tajloro Z*. ~a, ~hava Z. ~ita, ~plena : *envolvita en ~a tuko*. Kp ĈIFONO, AJURA, TRABORITA, PUNTA, KRADA. ~i (tr). Fari ~on aŭ ~ojn : *brako ~ita de kuglo*; *vesto ~ita de lineoj*.

trubaduro Z = trobadoro.

\* **Trudi** (tr). Devigi iun kontraŭ lia volo al io malplaĉa, devige akceptigi ion al iu : *~i al iu ledan taskon B*, *sian opinion B*; *al~i sian volon Z*, *siajn dezirojn al iu Z*; *~i severajn kondiĉojn al la venkito*; *mi ne penas al~i al vi tiun projekton Z*; *al~i sian superregadon al iu lando*; *tiu ofico al~as al li gravajn devojn*; *al~ita feliĉo estas ofte malfeliĉo*. Kp DEVIGI, METI SUR, DIKTI, LIGI, PERFORTI, TIRANI, NECESA, NEPRA. (Al)~iĝi, sin (al)~i (io). Esti nepre necese konsiderota aŭ allasota : *ankaŭ aliaj pensoj ~iĝis al li Z*; *tiuj ideoj pli k pli sin ~as al la priatento de ĉiuj popoloj*; *la demando ~as sin al ni, ĉu...; la ekzisto de tia gazeto al~iĝas*. ~(iĝ)ema. 1 (iu) Inkлина ~i aŭ sin ~i : *~ema gasto B*; *la mastrino rigardis ŝin videble kiel klientinon pli ~igeman k kompromitantan ol promesantan ian profiton Z*. 2 (io) Nepre ne forpelebla, urĝega : *ŝi viŝis per la mano siajn okulojn kvazaŭ ŝi volus forpeli de si ian ~igeman penson Z*; *ŝi forpuŝadis tiujn dubojn k timojn de si, kiel ion tro al~igeman, tro pezan, tro turmentan por sia koro Z*. En~iĝi. ~e sin enmiksi en fremdan aferon : *la lingvo internacia, ne en ~igante en la doman vivon de la popoloj, povas almenaŭ esti lingvo regna k societa Z*.